



鹽鐵論

具物

隴蜀之丹漆旄羽荆揚之皮革骨象江南之楠梓竹箭燕齊之魚鹽旃裘兗豫之漆絲絺紵養生送死之具也待商而通待工而成

鹽鐵論本議

非一

賢聖治家非一室富國非一道

鹽鐵論本議

必農

使治家養生必於農則舜不為甄陶而伊尹不為庖

鹽鐵論力耕

功績

洪水滔天而有禹之績河水泛溢而有宣房之功商紂暴虐而有孟津之謀天下煩擾而有乘羨之富

益鐵論力耕

富利

故物豐者民衍宅近市者家富富在術數不在勞身利在勢不在力耕也

益鐵論通有

有無

今吳越之竹隋唐之材不可勝用而曹衛梁宋采棺轉尸

江湖之魚萊黃之鮫不可勝食而鄒魯周韓藜藿蔬食

論通有

益鐵

不通

若各居其處食其食則是橘柚不鬻胸鹵之鹽不出旃罽不市而吳唐之材不用也

益鐵論通有

極衰

夏后以玄貝周人以紫石後世或金錢刀布物極而衰終始之運也

益鐵論錯幣

反本

畜利變幣欲以反本是猶以煎止燔以火止沸也

益鐵論錯幣

麋鬻

繼大功之勤養勞勸之民此用麋鬻之時

益鐵論復古

局小

宇宙之內驚雀不知天地之高也坎井之鼃不知江海之大窮夫否婦不知國家之慮負荷之商不知荷頓之富

論復古 益鐵

憂患

驚雀離巢宇而有鷹隼之憂坎井之鼃離其居而有蛇鼠之患况翱翔千仞而游四海乎其禍必大矣此李斯之所

以折翼而趙高沒淵也

益鐵論復古

疾深

崇利而簡義高力而尚功非不廣壤進地也然猶人之病水益水而疾深

益鐵論非鞅

難存

狐刺之鑿雖公輸子不能善其柶畚土之基雖良匠不能成其高譬若秋蓬被霜遭風則零落雖有十子產如之何故扁鵲不能肉白骨微箕不能存亡國也

益鐵論非鞅

妬惡

淑好之人戚施之所妬也賢知之士鬪茸之所惡也

益鐵論非鞅

罹咎

雖以獲功見封猶食毒肉愉飽而罹其咎也

益鐵論非鞅

爭趨

貴人之家雲行於塗轂擊於道

益鐵論刺權

官尊

官尊者祿厚本美者枝茂

益鐵論刺權

任勞

夫食萬人之力者蒙其憂任其勞一人失職一官不治皆公卿之累也

益鐵論刺權

過望

無周公之德而有其富無管仲之功而有其侈故編戶跛夫而望疾步也

益鐵論刺權

旁議

但居者不知負戴之勞從旁議者與當局者異憂

益鐵論刺復

調正

輸子之制材木也正其規矩而鑿枘調師曠之諧五音也正其六律而宮商調當世之工匠不能調其鑿枘則改規矩不能協聲音則變舊律是以鑿枘刺戾而不合聲音泛越而不和

益鐵論刺復

殊類

冰炭不同器日月不並明

益鐵論刺復

世位

無鞭策雖造父不能調駟馬無世位雖舜禹不能治萬民孔子曰鳳鳥不至河不出圖吾已矣夫故軺車良馬無以

馳之聖德仁義無所施之 益鐵論刺復

用殊

故宇小者用菲功巨者用大 益鐵論園池

厚業

築城者先厚其基而求其高畜民者先厚其業而後求其

澹 古瞻字 益鐵論未通

圖大

挾管仲之知者非為廝役之使也懷陶朱之慮者不居貧

困之處 益鐵論地廣

言治

夫祿不過秉握者不足以言治家不滿檐石者不足以計

事 益鐵論地廣

知籌

故分王若一賢者能守之分財若一知者能籌之夫子貢

之廢著陶朱公之三至千金豈必賴之民哉運之六寸轉

之息耗取之貴賤之間耳 益鐵論貧富

乘因

夫乘爵祿以謙讓者名不可勝舉也因權勢以求利者入

不可勝數也 益鐵論貧富

潦蠹

包丘子不免於甕牖萬廬如潦歲之鼃口非不衆也然卒死於溝壑而已

益鐵論毀學

遭遇

方李斯在荀卿之門闢茸與之齊軫及其奮翼高舉龍昇驥騫過九軼二翱翔萬仞鴻鵠騂駟且同侶况跛牂燕雀之屬乎

益鐵論毀學

郊牛

夫郊祭之牛食養暮年衣之文繡以入廟堂太宰執其鬻力以啓其毛方此之時願任重而止峻坂不可得也

益鐵論毀學

餌害

夫行者先全已而後求名仕者先辟害而後求祿夫香餌非不美也龜龍聞而深藏鸞鳳見而高逝者知其害身也夫為烏鵲魚鱉食香餌而後狂飛奔走遜身屈避無益於死

益鐵論褒賢

禮行

志善者忘惡謹小者志大俎豆之間足以觀禮閨門之內足以論行

益鐵論褒賢

不食

非工商不得食於利末非良農不得食於收穫非執政不得食於官爵

益鐵論相刺

無實

故玉屑滿篋不為有寶詩書負笈不為有道要在安國家
利人民不苟文繁衆辭而已

益鐵論相刺

不用

夫懷寶而無語故有粟不食無益於饑覩賢不用無益於

削

益鐵論相刺

心同

橘柚生於江南而民皆甘之於口味同也好音生於鄭衛
而人皆樂之於耳聲同也越人夷吾戎人由余待譯而後
通而並躡齊秦人之心於善惡同也故曾子倚山而吟山

鳥下翔師曠鼓琴百獸率舞未有善而不合誠而不應者

也 益鐵論相刺

食諫

扁鵲不能治不受鍼藥之疾賢聖不能正不食諫諍之君

益鐵論相刺

務實

歌者不期於利聲而貴在中節論者不期於利辭而務在

事實

益鐵論相刺

聽失

日月之光而盲者不能見雷霆之聲而聵人不能聞夫為

不知音者言若語於瘖聾何特蟬之不知重雪耶夫以伊尹之知太公之賢而不能開辭於桀紂非非說者非聽者過也是以荆和抱璞而泣血日安得良工而剖之屈原行吟澤畔日安得臯陶而察之

益鐵論相刺

學道

和氏之璞天下之美寶也待鑑識之工而後明毛嫱天下之姣人也待香澤脂粉而後容周公天下之至聖人也待賢師學問而後通

益鐵論殊路

自貴

莫視而自見莫賈而自貴

益鐵論訟賢

合道

師曠之調五音不失宮商聖王之治世不離仁義故有改制之名無變通之實

益鐵論遵道

無益

說西說之美無益於容道堯舜之德無益於治

益鐵論遵道

因世

夫欲粟者務時欲治者因世

益鐵論遵道

竊位

文學竊周公之服有司竊周公之位文學桎梏於舊術有司桎梏於財利

益鐵論利議

用知

夫驥之才千里非造文不能使禹之知萬人非舜為相不能
能用 益鐵論利議

歸功

驥舉之在伯樂其功在造父 益鐵論利議

言治

造父攝轡馬無駕良皆可取道周公之時士無賢不肖皆

可與言至治 益鐵論利議

雨灌

孔子大聖也諸侯莫能用當小位於魯三月不令而行不

禁而止沛若時雨之灌萬物莫不興起也 益鐵論國病

不副

情貌不相副若穿踰之盜自古而患之 益鐵論國病

隨鳴

吾以賢良為少愈乃反其幽明若胡車相隨而鳴 益鐵論散不足

默全

諸生獨不見季夏之蟬乎音聲入耳秋風至而聲無者生

益鐵論散不足

旁議

狐子語孝覺者語杖貧者語仁賤者語治議不在已者易

稱從旁議者易是其當局則亂鹽鐵論救匱

鼓口

若疫歲之巫徒能鼓口耳鹽鐵論救匱

不復

九層之臺一傾公輸子不能正本朝一邪伊望不能復鹽鐵

論救匱

賢愚

賢者處大林遭風雷而不迷愚者雖處平敞大路猶暗惑

馬鹽鐵論除狹

誤用

弱者猶使羊將狼也其亂必矣強者則是予狂夫利劍也

必妄殺生也鹽鐵論除狹

吏侵

然為醫以拙矣又多求謝為吏既多不良矣又侵漁百姓

鹽鐵論疾貧

不治

駟馬不馴御者之過也百姓不治有司之罪也鹽鐵論疾貧

假法

刑之於治猶策之於御也良工不能無策而御有策而勿用聖人假法以成教教成而刑不施鹽鐵論後刑

得姦

夫不傷民之不治而伐已之能得姦猶弋者覩鳥獸挂罟羅而喜也今天下之被誅者不必有管蔡之邪鄧析之偽恐苗盡而不別民欺而不治也

益鐵論後刑

道備

家人語陶朱為生本末異徑一家數事而治生之道乃備

益鐵論水旱

為賓

飾几杖修樽俎為賓非為主也炫耀竒怪所以陳四夷非為民也夫家人有容尚有倡優竒變之樂而况縣官乎

益鐵

論崇禮

寶異

夫犀象兕虎南夷之所多也騾驢駝北狄之常畜也中國所鮮外國賤之南越以孔雀珥門戶崑山之旁以玉璞抵烏鵲今貴人之所賤珍人之所饒非所以厚中國明盛德也

益鐵論崇禮

寶賢

隋和之名寶也而不能安危存亡故喻德示威惟賢臣良相不在犬馬珎怪是以聖王以賢為寶不以珠玉為寶昔晏子修之罇俎之間而折衝乎千里不能者雖隋和滿篋

無益於存亡 益鐵論崇禮

安邊

夫臣所在辟除開塞者亦遠矣故春秋曰山有虎豹葵藿為之不採國有賢士邊境為之不害也 益鐵論崇禮

行言

育者口能言白黑而無目以別之儒者口能言治亂無能以行之坐言不行則牧童兼烏獲之力逢須苞堯舜之德故使言而近則儒者何患於治亂而育人何患於白黑哉

益鐵論能言

治藥

藥酒病之利也正言治之藥也 益鐵論能言

苦藥

人之言曰安者不能恤危飽者不能食饑故餘梁肉者難為言隱約處佚樂者難為言勤苦夫高堂邃宇廣廈洞房者不知專屋狹廬上漏下濕者之窟也繫馬百駟貨財充內儲陳納新者不知有旦無暮稱貸者之急廣第唐園良田連比者不知無運踵之業窳頭宅者之役也原馬被山牛羊滿谷者不知無狐豚瘠犢者之窶也高枕談卧無呌號者不知憂私責與吏正戚者之愁也被紈躡韋博梁噉肥者不知短褐之寒糠粃之苦也從容房闈之間垂拱持

茶食者不知蹠耒躬耕者之勤也垂堅驅良列騎成行者不知負檐步行者之難也同床梅席侍御滿側者不知負輅輓舩登高絕流者之難也衣輕暖被英裘處温室戴安車者不知乘邊城飄胡代鄉清風者之危寒也妻子好合子孫保之不知老母之顛顛匹婦之悲恨也耳聽五音目視弄優者不知蒙流矢距敵方外之死者也東嚮伏几振筆如文調者不知求索之急筆楚之痛者也坐梅茵之上按圖籍之言若易易然亦不知步涉者之難也

益鐵論擊之
鐵取下

罷兵

終日逐禽罷而釋之則非計也

益鐵論擊之

輟事

功業有緒惡勞而不卒猶耕者勸休而困止也夫事輟者無功耕怠者無獲也

益鐵論擊之

泉散

閭里常民尚有泉散况萬里之主與小國之囚奴乎

泉離也

益鐵論結和

困衆

聖人不困其衆以兼國良御不困其馬以兼道故造父之御不失和聖人之治不倍德秦攝利衡以御宇內執修董以答八極駮服以罷而鞭策愈加故有傾衡遺董之變

益鐵

後利

故手足之動腹腸之養也當世之務後世之利也

結和 益鐵論

構兵

構兵爭強而卒俱亡雖以進壤廣地如食煎之充腸也欲

其安存何可得也

益鐵論誅秦

禮讓

夫禮讓為國者若江海流弥久不竭其本美也苟為無本

若蒿火暴怒而無繼其亡可立而待

益鐵論誅秦

邊境

中國與邊境猶支體與腹心也夫肌膚寒於外腹腸疾於

內內外外之相勞非相為虐也唇亡則齒寒支體傷而心憊

恒故無手足則皮體廢無邊境則內國害

益鐵論誅秦

擊夷

蒙公為秦擊走匈奴若驚鳥之追羣雀

益鐵論代功

功弱

以漢之強攻於匈奴之眾若以強弩潰癰疽

益鐵論代功

無功

茫茫乎若行九臯未知所止浩浩乎若無網羅而漁江海

雖及之三軍罷弊適遺之餌也

益鐵論西域

賈異

張騫言大宛之天馬汗血安息之真玉大烏縣官既聞如
其水焉益鐵論西域

信詐

匈奴貪狼因時而動乘可發颺舉電至而欲以誠信之心
金帛之寶而信無義之詐是猶親蹶蹻而扶猛虎也益鐵論世務

莫守

是猶措重寶於道路而莫之守也求其不亡何可得乎益鐵論世務

論世務

未備

故兵革者國之用城壘者國之固也而欲罷之是去表見
裏示匈奴心腹也匈奴輕舉潛進以襲空虛是猶不介而

當矢石之蹊禍必不振益鐵論和親

征逆

屠者解分中理可橫以手而離也至其抽筋鑿骨非行金
斧不能決聖主循性而化有不從者亦將舉兵而征之益鐵論錄役

論錄役

飭境

故四支強而躬體固華葉茂而本根據故飭四境所以安
中國也益鐵論錄役

論錄

卷一

有備

虎兇所以能執熊羆服群獸者爪牙利而攫便也秦所以超諸侯吞天下并敵國者險阻固而勢居然也故龜倡有介狐貉不能禽蝮蛇有螫人忌而不輕故有備則制人無備則制於人

益鐵論險固

固外

今不固其外欲安其內猶家人不堅垣墻狗吠夜驚而暗昧妄行也

益鐵論險固

有備

故孟賁奮臂衆人輕之怯夫有備其氣自倍况以吳楚之

士舞利劔蹶強弩以與貉虜騁於中原一人當百不足道

也

益鐵論論勇

恃利

楚鄭之崇谿墨陽非不利也犀軸兕甲非不堅也然而不能存者利不足恃也

益鐵論論勇

城兵

所謂金城者非謂築壤而高土鑿地而深池也所謂利兵者非謂吳越之鉞干將之劔也言以道德為城以仁義為郭莫之敢攻莫之敢入文王是也以道德為軸以仁義為劔莫之敢當莫之敢御湯武是也

益鐵論論勇

易勝

夫以知謀愚以義伐不義若因秋霜而振落葉

益鐵論論功

因時

順風而呼者易為氣因時而行者易為力

益鐵論論功

妄度

鄒子疾晚世之儒墨不知天地之弘昭曠之道將一曲而

欲道九折守一隅而欲知萬方猶無準平而欲知高下無

規矩而欲知方圓也

益鐵論論鄒

逐語

巫祝不可與並祀諸生不可與逐語

益鐵論論蓄

聽繆

蓋越人美羸蚌而簡大牢鄙夫樂咋音而怪韶濩故不知

味者以芬香為臭不知道者以美言為亂耳

益鐵論論蓄

臣民

常星猶公卿也衆星猶萬民也列星正則衆星齊常星亂

則衆星墜矣

益鐵論論蓄

任刑

霜雪晚至五穀猶成電霧夏隕萬物皆傷由此觀之嚴刑

以治國猶任秋冬以成穀也

益鐵論論蓄

法疎

網疏則獸失法疏則罪漏罪漏則民放佚而輕犯禁故禁
下必法 益鐵論刑德

明法

故王者之制法昭乎如日月故民不迷曠乎若大路故民
不惑 益鐵論刑德

莫禁

有司法之若救爛撲焦不能禁非 益鐵論刑德

不輕

千仞之高人不輕凌千鈞之重人不輕舉 益鐵論刑德
為穿

今馳道經營陵陸紆周天下是以萬里為民穿也尉羅張
而縣其谷辟陷設而當其蹊繳弋飾而加其上能弗離乎
益鐵論刑德

擇人

轡銜者御之具也得良工而調法勢者治之具也得賢人
而化執轡非其人則馬奔馳執軸非其人則舩覆傷昔吳
使宰嚭持軸而破其舩秦使趙高執轡而覆其車 益鐵論刑德

待聖

待周公而為相則世無列國待孔子而後學則世無儒墨

益鐵論申韓

毒焰

愚人縱火於沛澤不能復振蜂蟻螫人放死不能息其毒也鹽鐵論申韓

終大

衣缺不補則日以甚坊漏不塞則日以滋大河之始決於瓠子也涓涓爾及其卒汜濫為中國害留梁楚破曹衛城郭壞沮穡積漂流百姓木樓千里無廬鹽鐵論申韓

禮決

河決若甕口而破千里况禮決乎其所害必多矣

鹽鐵論申韓

姦惡

犀鈿利鉏五穀之利而間草之害也明理正法姦邪之所惡而良民之福也故曲木惡直繩姦邪惡直法鹽鐵論申韓

禁姦

故水者火之備法者止姦之禁也無法勢雖賢人不能以為治無甲兵雖孫吳不能以制敵鹽鐵論申韓

絕惡

所貴良醫者貴其審消息而退邪氣也非貴其下鍼石而鑽肌膚也所貴良吏者貴其絕惡於未萌使之不為非非貴其拘之囹圄而刑殺之也鹽鐵論申韓

連罪

一人有罪州里驚駭十家奔亡若癰疽之相溷色淫之相連一節動而百枝搖

蓋鐵論申韓

節動

一室之中父兄之際若身體相屬一節動而知於心

蓋鐵論周秦

連誅

今以子誅父以弟誅兄親戚小坐什伍相連若引根本之及華葉傷小指之累四體也

蓋鐵論周秦

良吏

故吏以不多斷為良鑿以不多刺為工

蓋鐵論周秦

恩厚

故為民父母以養疾子長恩厚而已

蓋鐵論周秦

知患

夫負千鈞之重以登無極之高垂峻崖之峭谷下臨不測之淵雖有慶忌之健賁育之勇莫不震懼悚慄者知墜則身首肝腦塗山石也故未嘗灼而不敢握火者見其有灼也未嘗傷而不敢握刃者見其有傷也故立法制辟若臨百仞之壑握火陷刃則民畏忌而無敢犯禁矣

蓋鐵論周秦

尚嚴

慈母有敗子小不忍也嚴家無悍虜督責急也今不立嚴家之所以制下而修慈母之所以敗子則惑矣

蓋鐵論周秦

法更

故衣弊而革裁法弊而更制

法周

夫少目之網不可以得魚三章之法不可以為治故令不
得不加法不得不多 益鐵論詔聖

仰法

民之仰法猶魚之仰水水清則靜濁則擾擾則不安其居
靜則樂其業 益鐵論 聖

治失

今之治民者若御拙馬行則頓之止則擊之身創於箠吻

傷於街求其無失何可得乎 益鐵論詔聖

玩法

故罷馬不畏鞭箠罷民不畏刑法雖曾而累之其亡益乎
益鐵論詔聖

難久

高牆狹基不可立矣嚴法峻刑不可久也 益鐵論詔聖

善議

瞽師不知白黑而善聞言儒者不知治世而善訾議 益鐵論詔聖

因法

故射者因勢治者因法 益鐵論大論

廢法

俗非唐虞之時而世非許由之民而欲廢法以治是猶不用槩括斧斤欲撓曲直枉也

益鐵論大論

治悖

當此之時不任斤斧折之以武而乃始設禮修文有似窮鑿欲以短鍼而攻疽孔丘以禮說莒也

益鐵論大論

能往

故士因士女因媒至其親頭非媒士之力孔子曰進見而不以能往者非賢士才女也

益鐵論大論

痛世

孔子生於亂世思堯舜之道東南西北灼頭濡足庶幾世主之悟悠悠者皆是君闇大夫妬孰合有媒是以嫫母飾姿而矜夸西子彷徨而無家非不知窮厄而不見用悼痛天下之禍猶慈母之伏死子也知其不可如何然惡已

論大論

益鐵

耗多

故川源不能實漏卮山海不能澹

古瞻字

溪壑

益鐵論本

罪梯

是開利孔為民罪梯者也

益鐵論本議

藏寶

家人有寶器尚函匣而藏之况人主之山海乎

鹽鐵論禁耕

憂末

夫不早絕其源而憂其末若决呂梁沛然其所傷必多矣

鹽鐵論禁耕

藏富

民人藏於家諸侯藏於國天子藏於海內故民人以垣墻

為藏閉天子以四海為匣匱

鹽鐵論禁耕

盛害

強養弱抑則齊民消若衆穢之盛而害五穀

鹽鐵論禁耕

皮盡

無異於愚人反裘而負薪愛其毛不知其皮盡也

鹽鐵論非鞅

兩盈

夫李梅實多者來年為之衰新穀熟者舊穀為之虧自天地不能兩盈而况於人事乎故利於彼者必耗於此猶陰陽之不並曜晝夜之有長短也

鹽鐵論非鞅

紹功

夫善歌者使人續其聲善作者使人紹其功推車之蟬攫負子之教也周道之成周公之力也雖有裨諶之草創無子產之潤色有文武之規矩而無周呂之鑿枘則功業不成

鹽鐵論非鞅

國基

善鑿者建周而不疲善基者致高而不蹙伊尹以堯舜之道為殷國基子孫紹位百代不絕商鞅以重刑峭法為秦國基故二世而奪

鹽鐵論復古

愚計

此所謂擊胸之知而愚人之計也夫何大道之有故曰小人先合而後忤初雖乘馬卒必泣血此之謂也

鹽鐵論非鞅

自理

縞素不能自分於緇墨聖賢不能自理於亂世

鹽鐵論非鞅

兼罪

夫以璵璠之玼而棄其璞以一人之罪而兼其衆則天下

無美寶信士也

鹽鐵論晁錯

居然

水廣者魚大父尊者子貴傳曰河海潤千里盛德及四海况之妻子乎故夫貴於朝妻貴於室富曰苟美古之道也孟子曰王子與人同而如彼者居使然也居編戶之列而望卿相之子孫是以跛夫之欲及樓季也無錢而欲千金之寶不亦虛望哉

鹽鐵論刺權

心恐

心憧憧若涉大川遭風而未薄

鹽鐵論刺復

貴功

故馬効千里不必胡代士貴成功不貴文辭

益鐵論論儒

一言

自周室以來千有餘歲獨有文武成康如言必參一焉取所不能及而稱之循覽者能言遠不能行也聖人異途同歸或行或止其趣一也

益鐵論論儒

無濡

故追亡者趨極溺者濡今民陷溝壑雖欲無濡豈得已哉

益鐵論論儒

昧大

諸生議不干天則入淵乃欲以閭里之治而况國家之大事亦不幾矣發於畎畝出於窮巷不知冰水之寒若醉而新寐殊不足與言也

益鐵論憂遠

民消

水有徧獺而池魚勞國有強禦而齊民消故茂林之下無

豐草大塊之間無美苗

益鐵論輕重

失職

扁鵲撫息脉而知疾所由生陽氣盛則損之而調陽寒氣勝則損之而調陽是以氣脉調和而邪氣無所留矣夫拙醫不知脉理之媵血氣之分妄刺而無益於疾傷肌膚而

已矣今欲損有餘補不足富者益富貧者益貧矣嚴法任刑欲以禁暴止姦而姦猶不止意者非扁鵲之用鍼石故衆人未得其職也鹽鐵論輕重

棄美

是由棄江臯河濱而田於嶺坂菹澤也鹽鐵論輕重

流徙

樹木數徙則殘蟲獸徙居則壞故代馬依北風飛鳥翔故巢莫不哀其生由此觀之民非利避上公之事而樂亡也

鹽鐵論未通

師異

故高師若荼周師若烏鹽鐵論未通

瞻足

山岳有饒然後百姓澹古澹字馬河海有潤然後民取足

焉夫尋常之汙不能溉陂澤丘阜之木不能成宮室小不

能苞大少不能澹多鹽鐵論貧富

必因

行遠者假於車濟江海者因於舟公輸子能因人主之材木以構宮室而不能自為專室狹廬材不足也歐冶能因國君以為金鑪大鍾而不能自為一鼎盤材無其用也君子因人主之正朝以和百姓潤衆庶而不能自饒其家勢

不便也 益鐵論貧富

盜財

夫太山鴟啄腐鼠於窮澤幽谷之中非有害於人也今之有司盜主財而食之於刑法之旁不知機之是發又以嚇人其患惡得若太山之鴟乎 益鐵論毀學

辭小

觴酒豆肉遷延相讓辭小取大雞廉狼吞 益鐵論褒賢

患貪

當世囂囂非患儒之雞廉患在位者之虎飽嗑咽於求賢無所子遺耳 益鐵論褒賢

知變

善聲而不知轉未可謂能歌也善言而不知變未可謂能說也持規而非矩執準而非繩通一孔曉一理而不知權衡以所不覩不信人若蟬之不知雪堅據古人以應當世猶辰參之錯膠柱而調瑟固而難合矣 益鐵論相刺

明治

天設三光以照記天子立公卿以明治故曰公卿者四海之表儀神化之丹青也 益鐵論相刺

增飾

至美素璞物莫能飾也至賢保真偽文莫能增也故金玉

不琢美珠不畫今仲由冉求無檀栢之材隋和之璞而強
文之譬若彫朽木而礪鉛刀飾嫫母畫土人也被以五色
斐然成章及遭行潦流波則沮矣夫重懷古道枕藉詩書
危不能安亂不能治郵里逐雞難亦無黨也

藍鐵論殊路

任愚

今齊世庸士之人不好學問專以己之愚而負荷巨任若
無楫舳濟江海而遭大風漂沒於百仞之淵東流無崖之
川安得沮而止乎

藍鐵論殊路

先質

故內無其質而外學其文雖有賢師良友若畫脂鏤冰費

日損功故良師不能飾戚施香澤不能化嫫母也

藍鐵論殊路

盡才

故砥所以致於刃學所以盡其才也

藍鐵論殊路

器重

故事人加則為宗廟器否則厮養之豐才于越之鋌不礪

匹夫賤之工人施巧人主服而朝也

藍鐵論殊路

自是

夫醜者自以為姣故不飾愚者自以為知故不學觀笑在
已而不自知不好用人自是之過也

藍鐵論殊路

無效

辭若循環轉若陶鈞文繁於春華無効於抱風道 鹽鐵論導

不變

而必隨古不革襲故不改是文質不變而推車尚在也鹽鐵

論導道

言治

今文學不言所為治而言以治之無功猶不言耕田之方

美富人之困倉也鹽鐵論導道

堤坊

故堤坊成而民無水菑禮義立而民無亂患故禮義壞堤

坊决所以治者未之有也鹽鐵論論誹

類從

檀柘而有鄉佳葦而有藁言物類之相從也鹽鐵論論誹

非貴

夫洗爵以盛水升降而進糲禮雖備然非其貴者也鹽鐵論孝養

廣名

山林不護椒桂以成其崇君子不辭負薪之言以廣其名

鹽鐵論刺議

似是

譬若土龍文章首目具而非龍也亭歷似菜而殊味玉石

相似而異類鹽鐵論刺議

辯訟

議論無所依如膝癢而搔背辯訟公門之下訕訕不可勝聽如品卽口以成事

益鐵論利議

言舉

故以言舉人若以毛相馬

益鐵論利議

牽吉

朕嘉宇內之士故詳延四方豪俊文學博習之士超遷官祿言者不必有德何者言之易而行之難有舍其車而識其牛貴其不言而多成事也吳鐸以其舌自破主父偃以其舌自殺鵲鳴夜鳴無益於明主父鳴鵲無益於死非有

司欲成利文學桎梏於舊術牽於間言者也

益鐵論利議

扼驥

故御之良者善調馬相之賢者善使士今舉異才而使滅騶御之是猶扼驥鹽車而使責之疾此賢良文學多不稱

舉也

益鐵論利議

亂德

色厲而內在亂真者也文表而柔裏亂實者也

益鐵論利議

道狹

語曰五盜執一良人枉木惡直繩今欲下鍼石通關鬲則恐有盛胡之累懷鍼索艾則被不工之名狼跋其胡載躓

其尾君子之路行止之道固狹耳此子石所以歎息也
論益鐵鐵石

欲廉

語曰貨賂下流猶水之赴下不竭不止今大川江河飲巨海巨海受之而欲谿谷之讓流潦百官之廉不可得也夫欲影正者端其表欲下廉者先之身
益鐵論疾貪

刑惡

人君不畜惡民農夫不畜無用之苗無用之苗苗之害也無用之民民之賊也鉏一害而衆苗成刑一惡而萬民悅雖周公孔子不能釋刑而用惡家之有鉏子器皿不居况

鉏民乎民者教於愛而聽刑故刑所以正民鉏所以別苗也
益鐵論後刑

獫刑

民陷於罔從而獫之以刑是猶開其闌牢發以毒矢也不盡不止
益鐵論後刑

夷性

利則虎曳病則鳥斫
益鐵論備胡

積成

故土積而成山阜水積而成江海行積而成君子
益鐵論

慘酷

執務

刑人若刈管芳用師若彈丸

益鐵論 益鐵取下

乘間

虎兇相據而螻蟻得志兩敵相機而匹夫乘間

益鐵論 擊

戰近

師無輜重之費士無乏絕之勞此所謂食於厨倉而戰於

門郊者也

益鐵論 西域

寢深

夫漢之有匈奴譬若木之有蠹如人有疾不治則寢以深

益鐵論 世務

德義

故義之服無義疾於原馬良弓德之召遠疾於馳傳重驛

益鐵論 論勇

刑法

執法者國之轡銜刑罰者國之維楫故轡銜不飭雖王良不能以致遠維楫不設雖良工不能以絕水

益鐵論 刑德

小缺

夫衣小缺襟裂可以補而必待全匹而易之政小缺法令可以坊而必待雅頌乃治之是猶舍鄰之醫而求俞跗而後治病廢汙池之水待江海而後救火也

益鐵論 申韓

正民

故設明法陳嚴刑坊非矯邪若隱枯輔檠之正弧刺也論申韓
鐵益

行法

非患鈇耨之不利患其舍草而去苗也非患無準平患其舍枉而繩直也故親近為過不必誅是鉏不用也疏遠有功不必賞是苗不養也故世不患無法而患無必行之法也益鐵論申韓

明法

嚴墻三仞樓季難之山高干雲牧豎登之故峻則樓季難三仞陵夷則牧豎易山巔夫鑠金在鑪莊躄不顧錢刀在

路匹婦掇之非匹婦貪而莊躄廉也輕重之制異而利害之分明也益鐵論詔聖

脫死

死不再生窮鼠齧狸匹夫奔萬乘舍人折弓益鐵論詔聖

中繩

夫治民者若大匠之斲斧斤而行之中繩則止益鐵論大

泥古

今欲以敦朴之時治抗弊之民是猶遷延而極溺揖讓而救火也益鐵論大論

待教

故為治者不待自善之民為輪者不待自曲之木

蓋鐵論大論

治原

殘材木以成室屋者非良匠也殘賤民人而欲治者非良吏也故公輸子因木之宜聖人不費民之性是以斧斤簡用刑罰不任政立而化成扁鵲攻於腠理絕邪氣故癰疽不得成形聖人從事於未然故亂原無由生是以砭石藏而不施法令設而不用斷已然鑿已發者凡人也治未形觀未萌者君子也

蓋鐵論大論

膠解

大夫憮然內慙四據而不言當此之時順風承意之士如

編口張而不歛舉舌而不下闇然而懷重負而見責大夫曰諾膠車修逢兩請與諸生解

蓋鐵論大論

本末

夫文繁則質衰末盛則本虧末修則民淫本修則民慤

蓋鐵

論本議

役誘

今山澤之財均輸之藏所以御輕重而役諸侯也汝漢之金織微之貢所以誘外國而釣羗胡之寶也

蓋鐵論力耕

售倍

今羸驢之用不中牛馬之功羸

音羸 羸 音貂

旃罽不益錦綈之

實美玉珊瑚出於昆山珠璣犀象出於桂林此距漢萬有餘里計耕桑之功資財之費是一物而售百倍其價一也一梲而中萬鍾之粟也

益鐵論力耕

貴商

故聖人因天時知者因地財上士取諸人中士勞其形長沮桀溺無百金之積蹠躄之徒無荷頓之富

益鐵論力耕

貴強

故耕不強者無以充虛織不強者無以掩形雖以湊會之要陶室之術無所施其巧自古及今不施而得報不勞而有功者未之有也

益鐵論力耕

擅利

今夫越之具區楚之雲夢宋之鉅野齊之孟諸有國之富而伯王之資也人主統而一之則強不禁則亡齊以其腸胃予人家強而不制枝大而折榦以專巨海之富而擅魚鹽之利也

益鐵論刺權

極論

懷六藝之術騁意極論宜若開光發蒙

益鐵論刺復

忠孝

吾聞為人臣者盡忠以順職為人子者致孝以承業君有非則臣履蓋之父有非則子匿逃之故君薨臣不變君之

政父沒則子不改父之道也

藍鐵論憂遠

失瑟

昔趙高無過人之志而居萬人之位是以傾覆秦國而禍殃其宗盡失其瑟何膠柱之調也

藍鐵論相刺

傷遇

子諾宰我生不逢伯樂之舉而遇狂屠故君子傷之

藍鐵論訟賢

自害

今之學者無太公之能騏驥之才有以蜂蠆介毒而自害

也

藍鐵論訟賢

泥常

文學可令扶繩循刻非所與論道術之外也

藍鐵論遵道

多諛

故愕愕者福也譏譏者賤也林中多疾風富貴多諛言萬里之朝日聞唯唯而後聞諸生之愕愕此乃公卿之良藥

鍼石

藍鐵論國病

救文

蓋橈枉者過直救文者以質

藍鐵論救匱

辟桀

以世俗言之鄉曲有桀人尚辟之

藍鐵論備胡

說苑

化下

夫上之化下猶風靡草東風則草靡而西西風則草靡而東在風所由而草為之靡是故人君之動不可不慎也

說苑

君道

樹直

夫樹曲木者惡得直景人君不直其行不敬其言者未有能保帝王之號垂顯令之名者也

說苑君道

兼容

是故明王聖主之治若夫江海無不受故長為百川之主

明王聖君無不容故安樂而長久

說苑君道

資人

先君能以人之長續其短以人之厚補其薄是以辭令窮遠而不遂兵加於有罪而不頓

說苑君道

不成

臣聞為地戰者不能成王為祿仕者不能成政

說苑君道

臣實

帝者之臣其名臣也其實師也王者之臣其名臣也其實友也霸者之臣其名臣也其實賓也危國之臣其名臣也其實虜也今王將東面目指氣使以求臣則廝役之材至

矣南面聽朝不失揖讓之禮以求臣則人臣之材至矣西面等禮相亢下之以色不乘勢以求臣則朋友之材至矣北面拘指遂巡而退以求臣則師傳之材至矣

說苑君道

獵士

吾獵將以求士也其榛藜刺虎豹者吾是以知其勇也其攫犀搏兕者吾是以知其勁有力也罷田而分所得吾是以知其仁也因是道也而得三士焉楚國以安

說苑君道

愛臣

楚國之有不穀也由身之有勾脇也其有令尹司馬也由身之有股肱也勾脇有疾轉之股肱庸為去是人也

說苑君道

味言

湯曰樂食先嘗於卑然後至於貴樂言先獻於貴然後聞於卑故樂食嘗乎卑然後至於貴教也樂言獻於貴然後聞於卑道也故使人味食然後食者其得味也多使人味言然後聞言者其得言也少

說苑君道

下效

臣聞之君好之則臣服之君嗜之則臣食之夫尺蠖食黃則其身黃食蒼則其身蒼君其猶有諂人言乎

說苑君道

致道

春致其時萬物皆及生君致其道萬人皆及治

說苑君道

相虧

故上下相虧也猶水火之相滅也

說苑君道

重本

莞子曰權不兩錯政不二門故曰脛大於股者難以步指大於臂者難以把本小末大不能相使也

說苑君道

牛肥

秦穆公觀盩見百里奚牛肥曰任重道遠以險而牛何以肥也對曰臣飲食以時使之不以暴有險先後之以身是以肥也穆公知其君子也

說苑臣術

猶土

孔子曰為人下者其猶土乎種之則五穀生焉掘之則甘泉出焉草木植焉禽獸育焉生人立焉死人入焉多其功而不言為人下者其猶土乎

說苑臣術

本始

夫本不正者未必倚始不盛者終必衰

說苑建本

正本

有正春者無亂秋有正君者無危國

說苑建本

不擇

負重道遠者不擇地而休家貧親老者不擇祿而仕

說苑建本

欲養

枯魚銜索幾何不蠹二親之壽忽如過隙草木欲長霜露不使賢者欲養二親不待

說苑建本

橋梓

康叔封與伯禽見商子曰某某也曰吾二子者朝乎成王見周公三見而三答其說何也商子曰二子盍相與觀乎南山之陽有木焉名曰橋二子者往觀乎南山之陽見橋竦焉實而仰反以告乎商子商子曰橋者父道也商子曰二子盍相與觀乎南山之陰有木焉名曰梓二子者往觀乎南山之陰見梓勃焉實而俯反以告商子商子曰梓者子道也

說苑建本

厲心

是故砥礪琢磨非金也而可以利金詩書辟立非我也而可以厲心 說苑建本

致聖

騏驥雖疾不遇伯樂不致千里干將雖利非人力不能自斷焉烏號之弓雖良不得排檠不能自任人才雖高不務學問不能致聖 說苑建本

積成

水積成川則蛟龍生焉土積成山則豫樟生焉學積成聖則富貴尊顯至焉 說苑建本

衆成

千金之裘非一狐之皮臺廟之椽非一本之枝先王之法非一士之智也 說苑建本

違情

譬猶食穀衣絲而非耕織者也載於船車服而安之而非工匠者也食於釜甑湏以生活而非陶冶者也此言違於情而行喙於心者也 說苑建本

糞心

人知糞其田莫知糞其心糞田莫過利苗得粟糞心易行而得其所欲 說苑建本

學益

學所以益才也礪所以致刃也吾嘗幽處而深思不若學之速吾嘗鼓而望不若登高之博見

說苑建本

乘勢

故順風而呼聲不加疾而聞者衆登丘而招臂不加長而見者遠故魚乘於水鳥乘於風草木乘於時

說苑建本

非源

夫遠而有光者飾也近而逾明者學也譬之如汙池水潦注焉管蒲生之從上觀之知其非原也

說苑建本

好學

少而好學如日出之陽壯而好學如日中之光老而好學如炳燭之明炳燭之明熟與昧行乎

說苑建本

學思

湯稱學聖王之道者譬如日焉靜居獨思譬如火焉夫捨學聖王之道若捨日之光何乃獨思若火之明也可以見小耳未可用大知惟學問可以廣明德慧也

說苑建本

常為

嬰聞之為者常成行者常至嬰非有異於人也常為而不置常行而不休者故難及也

說苑建本

受學

夫人君無諫臣則失政士無教友則失德狂馬不釋其策操弓不返於檠木受繩則直人受諫則聖受學重問孰不順成毀仁惡士且近於刑君子不可以不學

說苑建本

學深

子路曰南山有竹弗揉自直斬而射之通於犀革又何學為乎孔子曰括而羽之鏃而砥礪之其入不益深乎

說苑建本

後悔

豐塲境下未必崩也流行潦至壞必先矣樹本淺根垓不深未必楸也飄風起暴雨至拔必先矣君子居於是國不崇仁義不尊賢臣未必亡也然一旦有非常之變車馳人

走指而禍至乃始乾喉焦脣仰天而嘆庶幾焉天其救之不亦難乎孔子曰不慎其前而悔其後雖悔無及矣

說苑建本

有枝

虞君問益成子曰今工者久而巧色者老而衰今人不及壯之時益積心技之術以備將衰之色色者必盡乎老之前知謀無以異乎幼之時可好之色彬彬乎且盡洋洋乎安託無能之軀哉故有技者不累身而未嘗滅而色不得以常茂

說苑建本

分定

夫一兔走於街萬人追之一人得之萬人不復走分未定

則一兔走使萬人擾分已定則雖貪夫知止今楚多寵子而嫡位無主亂自是生矣夫世太子者國之基也而百姓之望也國既無基又使百姓失望絕其本矣本絕則撓亂猶兔走也

說苑建本

妄與

伋聞之妄與不如遺棄物於溝壑伋雖貧也不忍以身為溝壑是以不敢當也

說苑立節

鳴君

越甲至齊雍門子狄請死之齊王曰鼓鐸之聲未聞矢石未交長兵未接子何務死之為人臣之禮邪雍門子狄對

曰臣聞之昔者王田於囿左轂鳴車右請死之而王曰子何為死車右對曰為其鳴吾君也王曰左轂鳴者工師之罪也子何事之有焉車右曰臣不見工師乘而見其鳴吾君也遂頌頸而死知有之乎齊王曰有之雍門子狄曰今越甲至其鳴吾君也豈左轂之下哉車右可以死左轂而臣獨不可以死越甲也遂頌頸而死是日越人引甲而退七十里

說苑立節

保赤

聖人之於天下百姓也其猶赤子乎飢者則食之寒者則衣之將之養之育之長之唯恐其不至於大也

說苑貴德

致德

聖王布德施惠非求報於百姓也郊望禘嘗非求報於鬼神也山致其高雲雨起焉水致其深蛟龍生焉君子致其道德而福祿歸焉夫有陰德者必有陽報有隱行者必有昭名 說苑貴德

向隅

故聖人之於天下也譬猶一堂之上也今有滿堂飲酒者有一人獨索然向隅而泣則一堂之人皆不樂矣聖人之於天下也譬猶一堂之上也有一人不得其所者則孝子不敢以其物薦進 說苑貴德

愛憎

臣聞愛其人者兼屋上之烏憎其人者惡其餘胥 說苑貴德
不誅

臣聞鳥穀之卵不毀而後鳳凰集誹謗之罪不誅而後良言進 說苑貴德

忘賜

譬子產之與夫子其猶浸水之與天雨乎浸水所及則生不及則死斯民之生也必以時雨既以生莫愛其賜 說苑貴德

攻邪

夫以君子而與小人相賊害是人之所謂以狐白補犬羊

身塗其炭豈不過甚矣哉 說苑貴德

拙誠

故曰巧詐不如拙誠樂羊以有功而見疑秦西巴以有罪而益信由仁與不仁也 說苑貴德

室美

智襄子為室美士茁夕焉智伯曰室美矣對曰美則美矣抑臣亦有懼也智伯曰何懼對曰臣以秉筆事君記有之曰高山浚源不生草木松柏之地其土不肥今土木勝人臣惧其不安人也室成三年而智氏亡 說苑貴德

相報

孔子曰北方有獸其名曰蜃前足鼠後足兔是獸也甚矣其愛蛭蛭巨虛也食得甘草必齧以遺蛭蛭巨虛蛭蛭巨虛見人將來必負蜃以走蜃非性之愛蛭蛭巨虛也為其假足之故也二獸者亦非性之愛蜃也為其得甘草而遺之故也夫禽獸昆蟲猶知比假而相有報也况於士君子之欲興名利於天下者乎 說苑復恩

懼蔽

籩豆茵席所以官者也而棄之顏色黎黑手足胼胝所以執勞苦而皆後之臣聞國君蔽士無所取忠臣大夫蔽遊無所取忠友今至於國臣在所蔽之中矣 說苑復恩

號野

有龍矯矯頃失其所五蛇從之周徧天下龍飢無食一蛇割股龍反其淵安其壤土四蛇入穴皆有處所一蛇無穴號於中野

說苑復恩

蛇乾

有龍矯矯頃失其所一蛇從之周流天下龍反其淵安寧其處一蛇者乾獨不得其所

說苑復恩

言施

請而得其賞廉者不受也言盡而名至仁者不為也今天油然作雲沛然下雨則苗草興起莫之能禦今為一人言

施一人猶為一塊土下雨也土亦不生之矣

說苑復恩

求多

臣笑臣隣之祠田也以奩飯與一鮒魚其祝曰下田洿邪得穀百車蟹螺者宜禾臣笑其所以祠者少而所求者多

說苑復恩

令苛

水濁則魚困令苛則民亂城峭則必崩岸疎則必阨

說苑政理

聲及

有聲之聲不過百里無聲之聲延及四海

說苑政理

聾音

嚴則下喑下喑則上聾聾喑不能相通何國之治也說苑政理

有受

積針鏤者成帷幕合升斗者實倉廩并小流而成江海明主者有所受命而不行未嘗有所受也說苑政理

畜讐

子貢問治民於孔子孔子曰慄慄焉如以腐索御奔馬子貢曰何其畏也孔子曰夫道達之國皆入也以道導之則吾畜也不以道導之則吾讐也若何而毋畏說苑政理

知鮮

夫短綆不可以汲深井知鮮不可以與聖人之言惠士可

與辨物智士可與辨無方聖人可與辨神明夫聖人之所為非衆人之所及也說苑政理

馭民

民知十已則尚與之爭曰不如吾也百已則疵其過千已則誰而不信是故民不可稍而掌也可并而牧也不可暴而殺也可麾而致也衆不可戶說也可舉而示也說苑政理

修教

昔禹與有扈氏戰三陣而不服禹於是修教一年而有扈氏請服故曰去民之所事矣獄之所聽兵革之不陳矣鼓之所鳴故曰教為務也說苑政理

陵遲

夫一仞之牆民不能踰百仞之山童子升而遊焉陵遲故也今是仁義之陵遲久矣能謂民弗踰乎

說苑政理

閉心

公儀休相魯魯君死左右請閉門公儀休曰止池淵吾不稅蒙山吾不賦苛令吾不布吾已閉心矣何閉於門哉

說苑

政理

久明

夫耳聞之不如目見之目見之不如足踐之足踐之不如手辨之始入官如入晦室久而愈明明乃治治乃行

說苑政理

任人

宓子賤治單父彈鳴琴身不下堂而單父治巫馬期亦治單父以星出以星入日夜不處以身親之而單父亦治巫馬期問其故於宓子賤宓子賤曰我之謂任人子之謂任力任力者固勞任人者固佚人曰宓子賤則君子矣佚四肢全耳目平心氣而百官治任其數而已矣巫馬期則不然弊性事情勞煩教詔雖治猶未至也

說苑政理

距許

宓子賤為單父宰辭於天子天子曰母迎而距也母望而許也許之則失守詎之則閉塞譬如高山深淵仰之不可

及度之不可測也

說苑政理

陽鱈

宓子賤為單父宰過於陽晝曰子亦有以送僕乎陽晝曰吾少也賤不知治民之術有釣道二焉請以送子子賤曰釣道柰何陽晝曰夫扱綸錯餌迎而吸之者陽鱈也其為魚薄而不美若存若亡若食若不食者魴也其為魚也薄而厚味宓子賤曰善於是未至單父冠蓋迎之者交接於道子賤曰車驅之夫陽晝之所謂陽鱈者至矣於是至單父請其耆老尊賢者而與之共治單父

說苑政理

隨羊

君不見夫羊乎百羊而群使五尺童子荷杖而隨之欲東而東欲西而西君且使堯牽一羊舜荷杖而隨之則亂之始也

說苑政理

治大

夫吞舟之魚不遊淵鴻鵠高飛不就汙池何則其志極遠也黃鍾大呂不可從繁奏之舞何則其音疏也將治大者不治小成大功者不小苛此之謂也

說苑政理

皮罪

晉文公時翟人有封狐文豹之皮者文公喟然歎曰封狐文豹何罪哉以其皮為罪也大夫樂枝曰地廣而不平財

聚而不散獨非狐豹之罪乎

說苑政理

內求

君使服之於內而禁之於外猶懸牛首於門而求買馬肉也公胡不使內勿服則外莫敢為也

說苑政理

存耳

違山十里螻蛄之聲猶尚存耳政事無如膺之矣

說苑政理

毋過

故祿過其功者損名過其實者削

劉向說苑政理

託賢

夫朝無賢人猶鴻鵠之無羽翼也雖有千里之望猶不能

致其意之所欲至矣是故游江海者託於船致遠道者託

於乘欲霸王者託於賢伊尹呂尚管夷吾百里奚此霸王

之船乘也

說苑尊賢

在人

猶大匠之為宮室也量小大而知材木矣比功校而知人

數矣是故呂尚聘而天下知商將亡而周之王也管夷吾

百里奚任而天下知齊秦之必霸也

說苑尊賢

非人

非其人而欲有功譬其若夏至之日而欲夜之長也射魚指天而欲發之當也雖舜禹猶亦困而又况乎俗主哉

說苑

繇葛

故詩曰繇繇之葛在於曠野良工得之以為絺紵良工不得枯死於野此七士者不遇明君聖主幾行乞丐枯死於中野譬猶繇繇之葛矣

說苑尊賢

知百

故士之接也非必與之臨財分貨乃知其廉也非必與之犯難涉危乃知其勇也舉事決斷是以知其勇也取與有讓是以知其廉也故見虎之尾而知其大於狸也見象之牙而知其大於牛也一節見則百節知也由此觀之以所

見可以占未發觀小節固足知大體矣

說苑尊賢

德合

故聲同則處異而相應德合則未見而相親賢者立於本朝則天下之豪相率而趨之矣

說苑尊賢

鏡古

明鏡所以照形也往古所以知今也夫知惡往古之所以危亡而不務襲迹於其所以安昌則未有異乎却走而求逮前人也

說苑尊賢

接賢

周公旦白屋之士所下者七十人而天下之士皆至晏子

所與同衣食者百人而天下之士亦至仲尼脩道行理文章而天下之士亦至矣伯牙子鼓琴鍾子期聽之方鼓而志在太山鍾子期曰善哉乎鼓琴巍巍乎若太山少選之間而志在流水鍾子期復曰善哉乎鼓琴湯湯乎若流水鍾子期死伯牙破琴絕絃終身不復鼓琴以為世無足為鼓琴者非獨鼓琴若此也賢者亦然雖有賢者而無以接之賢者奚由盡忠哉驥不自至千里者待伯樂而後自至也

說苑尊賢

先質

夫弓矢和調而後求其中焉馬慈原順然後求其良材焉

人必忠信重厚然後求其知能焉今人有不忠信重厚而多知能如此人者譬猶豺狼與不可以身近也

說苑尊賢

博采

齊桓公設庭燎為士之欲造見者暮年而士不至於是東野鄙人有以九九之術見者桓公曰九九何足以見乎鄙人對曰臣非以九九為足以見也臣聞主君設庭燎以待士暮年而士不至夫士之所以不至者君天下賢君也四方之士皆自以論而不及君故不至也夫九九薄能耳而君猶禮之况賢於九九乎夫太山不辭壤石江海不逆小流所以成大也詩云先民有言詢於芻蕘言博謀也桓公

曰善乃因禮之暮月四方之士相携而並至詩曰自堂徂
暮自羊俎牛言以內及外以小及大也

說苑尊賢

君明

水廣則魚大君明則臣忠昔有桓公故有管仲今桓公在
此則車下之臣盡管仲也

說苑尊賢

來好

夫珠玉無足去此數千里而所以能來者人好之也今士
有足而不來者此是吾君不好之乎

說苑尊賢

恃翮

鴻鵠高飛遠翔其所恃者六翮也背上之毛腹下之毳無

尺寸之數去之滿把飛不能為之益卑益之滿把飛不能
為之益高不知門下左右客千人者有六翮之用乎將盡

毛毳也

說苑尊賢

好士

古者驂騑騏驥今無有王選於眾王好馬矣古者有豹象
之胎今無有王選於眾王好味矣古者有毛廬西施今無
有王選於眾王好色矣王必將待堯舜禹湯之士而後好
之則禹湯之士亦不好王矣

說苑尊賢

不致

君之賞賜不可以功及也君之誅罰不可以理避也猶舉

杖而呼狗張弓而祝鷄矣雖有香餌而不能致者害之必也

說苑尊賢

輕財

厨中有臭肉則門下無死士今夫三升之稷不足於士而君鴈鶩有餘粟紈素綺繡靡麗堂楯從風雨弊而士曾不得以緣衣果園梨栗後宮婦人撫以相適而士曾不得一嘗且夫財者君之所輕也死者士之所重也君不能用所輕之財而欲使士致所重之死豈不難乎哉

說苑尊賢

集衆

介子推行年十五而相荆仲尼聞之使人往視還曰廊下

有二十五俊士堂上有二十五老人仲尼曰合二十五人之智智於湯武并二十五人之力力於彭祖以治天下其

固免矣乎

說苑尊賢

仇正

夫美女者醜婦之仇也盛德之士亂世所疏也正直之行邪枉所憎也

說苑尊賢

卑良

應侯與賈午子坐聞其鼓琴之聲應侯曰今日之琴一何悲也賈午子曰夫張急調下故使之悲耳急張者良材也調下者官卑也取夫良材而卑官之安能無悲乎

說苑尊賢

請厚

臣笑臣隣之祠田也以一奩飯一壺酒三鮪魚祝曰蟹堞者宜禾滂邪者百車傳之後世洋洋有餘臣笑其賜鬼薄而請之厚也

說苑尊賢

無忠

有命之父母不知孝子有道之君不知忠臣夫豫讓之君亦何如哉

說苑尊賢

木梗

臣之來也過於淄水上見一土耦人方與木梗人語木梗謂土耦人曰子先土也待子以為耦遇天大雨水潦並至

子必沮壞應曰我沮乃反吾真耳今子東園之苑也刻子以梗遇天大雨水潦並至必浮子泛泛乎不知所止今秦四塞之國也有虎狼之心恐其有木梗之患

說苑正諫

後患

園中有樹其上有蟬蟬高居悲鳴飲露不知螳螂在其後也螳螂委身曲附欲取蟬而不知黃雀在其傍也黃雀延頸欲啄螳螂而不知彈丸在其下也此三者皆務欲得其前利而不顧其後之有患也

說苑正諫

更成

抗枉令直使敗更成

說苑正諫

比智

若與予同耕則比力也至於說人主不與予比智矣

說苑正諫

受諫

土負水者平木負繩者直君受諫者聖

說苑正諫

招禍

昔白龍下清冷之淵化為魚漁者豫且射中其目白龍上訴天帝天帝曰當是之時若安置而形白龍對曰我下清冷之淵化為魚天帝曰魚固人之所射也若是豫且何罪夫白龍天帝貴畜也豫且宋國賤臣也白龍不化豫且不射今弃萬乘之位而從布衣之士飲酒臣恐其有豫且之

患矣

說苑正諫

利行

良藥苦於口利於病忠言逆於耳利於行故武王諤諤而昌紂嘿嘿而亡

說苑正諫

累高

且合菽粟之微以滿倉廩合䟽縷之緯以成幃幕太山之高非一石也累卑然後高也夫治天下者非一士之言也固有受而不用惡有距而不入者哉

說苑正諫

不成

是以衣成則缺衽宮成則缺隅屋成則加錯示不成者天

道然也

說苑敬慎

當盛

是以聖人不敢當盛升與而遇三人則下二人則軼調其盈虛故能長久也

說苑敬慎

滿覆

孔子觀於周廟而有欹器焉孔子問守廟者曰此為何器對曰蓋為右坐之器孔子曰吾聞右坐之器滿則覆虛則欹中則正有之乎對曰然孔子使子路取水而試之滿則覆中則正虛則欹孔子喟然嘆曰嗚呼惡有滿而不覆者哉

哉

說苑敬慎

